

## Gedicht

Scho wider isch es Jahr verby!  
was wird üs ds neue bringe?  
wird's nothaft oder glückhaft si,  
zum Brieggen oder Singe?  
Mög's böser oder besser sy;  
der Muet nid la erchalte!  
mir weinis luege z'schike dry  
u weinis tapfer halte!  
Was das Schiksal üs halt uferleit,  
tuet nid alleini zelle,  
druuf a chunnts', wie me d'Burdi treit  
u tuet der Chifel stelle!  
So göh mir früsch uf d'Wanderschaft  
mit hoffe u vertroue!  
u bätte um gnue Seelecraft,  
für wacker düre z'houe

Simon Gfeller